

որդւոյ հետ, մայրերը աղջկանց հետ, առանց հոգս քաշելու իրանց անշարժ ստացուածքների մասին և գնացին ոմանք Ղարաբաղ, ոմանք Նախիջևան և ոմանք Երևան, ուստաց սահմաններում հանգիստ առնելու Եփրատական ծառայութիւնից, նորոգելու իրանց նախնիքների աւերակ քաղաքները, դաստակերտներն ու շէնքերը:

Գ. ք. Ա.

Ս. ՆԱԶԱՐԵԱՆԻ ՆԱՄԱԿՆԵՐ

Մեծապատիւ Հօր Եփրեմայ

Ի Ս. Նաղարեանց ողջոյն.

Զգրեալս ի 15 մայիսի անցելոյ գիտեմ, ստացեալ Ձեր անշուշտ ձեռամբ պարոն Դաւթի Դիլանեան. վասն զի ընկալեալ է իմ վաղու զպատասխանի նամակիս առ նա, յորում առ եղեալ էր և Ձերն. այլ թէ զի՞նչ ինչ արդեօք խափանարկու ձեզ եղև ցարդ, պատասխանելոյ ինձ, անգիտանամ բնաւ: Գուցէ դիպեցան ձեզ ինչ ինչ՝ որք կարող են ՚ի չքմեղս գործել զլուծութիւն ձեր, և հաշտեցուցանել զմեզ ընդ ձեզ յանուն նախնի մերոյս բարեկամութեան: Մեր գմեռայ անդորր է խիղճ՝ կատարելով զոր առ ձեզ պարտականութիւն բարեկամական, զմերն ասեմ ձեզ ուխտեալ գերմանական հաւատարմութեամբ: Անցք նորանոր առ մեզ անցին, կատարեցան ուխտք սրտից մերոց, զհին աւուրցն ասեմ և զմեծափափագս. է՛, է՛ ապաքէն առիթ ուրախութեան մեզ՝ որք սիրողք են և ճաճաչողք հայրենեաց: Ուսիմք արդէն կաթողիկոս զՆերսէս՝ այր այո՛ հանձարաւոր, աղգասէր և արժանաւոր բան զամենեւին՝ որ առ մեզ հոգեւորականք: Գուցէ՛ արասցէ սա ինչ ինչ ի պիտանեացն և ի կարեւորաց մերոյս տառապեալ աղգի. յուսասցուք աղաչելով զԱստուած՝ զի յերկրեսցէ զամս կենաց պատուական ծերունւոյս:

Խնդիր իմ առ ձեզ առ ժամս է, զի յանուն մերոյ ճշմարիտ բարեկամութեան աշխատ լիջիք օգնական ինձ լի-

նիւ յայսմ իրողութեան: Աշխատասիրեալ իմ ի Հայ լեզու համառօտ ինչ տեսութիւն աշխարհահամար պատմութեան, ցանկայի ի տիպ զնա արձանացուցանել. բայց ունայն ի հարկաւորացն առ այն դրամոց, կամ ցարդ պարանեալ յանել տարակուսանս. որչափ գեղեցիկ և օգտակար լինէր տպաքէն, եթէ հնար էր ձեզ ի մէջ Հայոց Պետերբուրգի գտանել զոմանս կամեցողս ստանալոյ զայս մատեան բովանդակեալ ի 10 քառածալ թերթս կամ ի 80 երեսս կամ անդր և դրեալ մանրաձեռն, վասն որոյ առաքեմ Ձեզ ընդ սմին զթերթն թղթոյ՝ ուր մարթ էր ցանկացողացն ստորագրեալ զանուանս իւրեանց և զհասցէս՝ վճարելով ընդ նմին և զգինն՝ որ է $1\frac{1}{2}$ մանէթ արծաթ. ի մտուհիմ ի տիպ մուծանել զմատեանս ի Կազան՝ ուր է ցարդ տպարան Հայոց: Առ ժամս շատացեալ գրելովքս մնամ և յաւանամ:

Ի 8 Մայիսի

1843

Ի Կազան

յաւանան

Ձեր հարազատ

Ս. Նազարեանց: